

Bange wi Äafte in'n Podde!

von

Heinrich Ottensmeier

Muine loäbn Noahbas un Frünne!


Upp Schwaden Hobe heddn ßä dä Oahmdwäake däon! Datt Nachmisse was gidn un niu ßoädn oalle ubba Stobn ümme dä Stoänölgelucht. Datt hett, nich oalle, dänn Schwadn Vah un dä Knecht woöan oall 's Moans freoh wäg foöat noa Vläode noa Schloahmühln. Ett kann dänn boädn wall lade waian, dänn datt Schloan van dänn Roöbeßoat dua dänn ganzen Dagg. Szä blibn ßäolange mett Pead un Wagen in Vläode, bätt datt ßä dänn Ölge in dä Kriukens un dänn Roöbekäoken wia mettnihm'm kön'n. Dänn hadde Schwadn Moäm'm fo oän Joah wia Roöfölge fo Pannekäoken un Pellkatuffel mett Oelge un Szoalt. Dänn Roöbekäoken foa Schwadn Vah fott Voäh.

Ubba Stobn wast stille woan, dänn dä Trabanten loägen oall ubbn Bedde un droäm'm van Hoddepead un Muhkoögesken. Moäm'm stobbe Strümpe van dänn voäa Unbännan, un Weske Muinken stricke an'n langen widden Strumpe, jümma twoe rechts un twoe links. Wuisken, datt Maget, ßatt achtan Spinnrah un ßoage doafu, datt näon Stücke Laken maia fo dä Iutstuaia in'n Kuffa kamm. Bläöß aff un dann fläog'n Woat van oän'n teon annan, un Büß hoäa man bläos datt buidächtige Ticken van dä äoln Kastnua.

In düssen huisliken Fruidn schläog upp oänmoal'n unbännigen Spitaler van biudn vanna Deel hea. Szoga Tyras fäng unnan Diske an teo knuan un riske Bick upp. – Watt was doa läos?! – Watt hadde datt teo buiduin?! – Un niu äok näo kain Bücksenboän in'n Hiuse! – Szaä leokepuiln voßichtig düa dä Riudn inna Stobnddüa. Oabba doa was nicks teo ßoän! Doa was oallns duista! Szä maken dä Stobnddüa 'n bidn ubbe Leoke un loädn Tyras ubbe Deel. Dä Biuse dä Deel dahl un düat Ruinlock ubbn Hoaff, hoä blike näon bidn un loät nicks mäa van Bick hoöan. – Oabba dä Klabastaruige namm kain Äne! – Oach, diu loäbe Tuit, datt Mallöa kamm joa iuda Küken! Oabba doa kann doach nöämd inkuhm'm! Dä Düa was teogge un vohän heddn ßä doa doach näo uppwoaken! Datt kann doach bläöß 'n Spoöksel Buin! Wuisken hadde oall dä Stuaumlüchtn ansticket. Oabba haringoahn?! – Nai, datt, was nich teo woagen! Wänn doach bläöß oäna van dä Mannslui inne woäa! – Un dä Rui kamm äok nich wia! Un wänn äok! Gigen'n Spoöksel kann hoä doach nich gigenan! – Oabba datt kann doach nich ßäo wuidgoahn! Doa mosse doach watt unnanoahm'm waian! – Weske stoand wuit truigge un hadde dä Hanne fäolt. Joa, Weske Muinken loaffe ganz fasta an Spoöken! – Oabba ßä bibn oalle wia Äafte in'n Podde!

–

Oabba leßtn Ännes mosse Moäm'm oasse „stellvertretender
Haushaltungsvorstand“ voriutgoahn un ühr Libn uppt Spell Beddn! Szä
namm dä Lüchtn in dä oän'n Hand, hale näomoall doäpe Oahm un packe
dä Klinken an. Oabba Boä loät näomoall aff. Weske Muinken roäp oalle
geon Goästa an, un dänn rait Moäm'm dä Kükendüa upp! Oalln loäpen
käolt Schua ubbn Nacken dahl! Un niu krigen Bä datt SpoökBel teo Boän!



Dä gräodn gruisn Bolzen was inna Küken blibn un hadde dänn Mälkepott
fun'n. Szä hadde bui üa Schlickaruigge wall dänn Kopp in dänn Mälkepott
harinkrigen, kon'n niu oabba nich wie truiggeiut kruigen! Szä basel in üa
Näot mett dänn Podde oallowegen vo, von'n Spoölstoän, von Haiad, von
Szüll, an'n Diskstahln un vodde Wand. Un dobuigge mäo Bä hoall un
buidäm'm in dänn Pott!

Rächt teo Vostanne koäm'm dä Freslui oabba oäst, Oasse Moäm'm un
Wuisken dä Bolzen dänn Pott van'n Koppe ridn heddn. Dänn Biuse dä
Kadden aff, dä Leddan harupp noahn Balken! –

Niu ridn dä Freoslui dänn Hals van'n anna un stöän'n oasse „Sieger“ inna
Nihndüa, oasse Vah un dä Knächt un Tyras mett üan Foöa Oelge ubbn
Hoaff koäm'm. Datt grätst Woat oabba hadde Weske Muinken!

Jiu Otto van'n Stickdoän